



Broj: 09-20/1-11-2-1852-3
Sarajevo, 30.10.2020. godine

Na osnovu člana 43. a u vezi člana 45. stav 2. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), i člana 70. Zakona o javnim nabavkama BiH („Službeni glasnik BiH“ broj: 39/14) i preporuke Komisije za provođenje konkurentskih i pregovaračkih postupaka nabavki u 2020. godini, zamjenik direktora Federalne uprave policije d o n o s i

O D L U K U

o izboru najpovoljnijeg ponuđača za nabavku usluge čišćenja i održavanja higijene u Detašmanu Travnik – LOT-3

I

Prihvata se prijedlog Komisije za provođenje konkurentskih i pregovaračkih postupaka nabavke u 2020. godini, u postupku javne nabavke usluge čišćenja i održavanja higijene u Detašmanu Travnik – LOT-3, te se ugovor dodjeljuje ponuđaču „EMMS“ D.O.O. JELAH-TEŠANJ, čija ponuda nakon provedene e-aukcije iznosi 4.190,00 bez PDV-a, odnosno 4.902,30 KM sa PDV-om.

II

Za izvršenje Odluke zadužuje se Sektor za materijalno- finansijske poslove.

III

Ova Odluka objavit će se na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

IV

Ova Odluka stupa na snagu danom donošenja.

O B R A Z L O Ž E N J E

Federalna uprava policije je provela konkurentski postupak javne nabavke usluge čišćenja i održavanja higijene u Detašmanu Travnik – LOT-3, broj Obavještenja o javnoj nabavci: 1412-7-2-194-3-87/20 objavljeno na portalu javnih nabavki dana 11.09.2020. godine.

Javna nabavka je provedena putem konkurentskog zahtjeva za dostavu ponuda.

Procjenjena vrijednost nabavke iznosi 3.950,00 KM bez PDV-a.

Postupak je provela Komisija za provođenje konkurentskih i pregovaračkih postupaka nabavki u 2020. godini imenovana Rješenjem direktora Federalne uprave policije broj: 09-19/1-30-2-113 od 13.02.2020. godine.

Na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponuda i ocjenu kvalifikovanosti ponuđača, a o čemu je sačinila odgovorajuće zapisnike, u kojima je utvrđeno slijedeće:

- da su zaprimljene 3 (tri) ponude, koje su ujedno i blagovremene, i to ponuđača: „ATALIAN GLOBAL SERVICES „ D.O.O. SARAJEVO, „EMMS“ D.O.O. JELAH TEŠANJ i „GLOBAL TEHNICAL SERVICE“ D.O.O. SARAJEVO,
- da nije bilo neblagovremeno zaprimljenih ponuda,
- da je Komisija utvrdila da ponuđač „ATALIAN GLOBAL SERVICES“ D.O.O. SARAJEVO koji je dostavio ponudu za LOT-3 nije formalno-pravno ispravna iz razloga što ponuda nije dostavljena u skladu sa tačkom 2.2. tačka c) Tenderske dokumentacije koja glasi: „Ponuđačima je dozvoljeno podugovaranje. Ponuđači (u slučaju podugovaranja) trebaju uz ponudu dostaviti izjavu u kojem iznosu predviđaju sklapanje podugovora sa trećom stranom, te da li će se plaćanje vršiti ponuđaču ili podugovaraču.“, što navedeni ponuđač u svojoj izjavi nije naveo, već je naveo „da ima namjeru dio ugovora podugovaranjem prenijeti na treće strane“, zbog čega ista nije ušla u daljnju evaluaciju,
- da je Komisija u svrhu provođenja postupka e-aukcije, dana 23.09.2020. godine, dostavila Sektoru za materijalno finansijske poslove rang listu prihvatljivih ponuda,
- Da je Komisija zaprimila Izvještaja o toku i završetku e-Aukcije u kojoj je navedeno da je najpovoljniji ponuđač „EMMS“ D.O.O. JELAH-TEŠANJ u predmetnom postupku javne nabavke sa cijenom u iznosu od 4.190,00 KM bez PDV-a, odnosno 4.902,30 KM sa PDV-om.

U postupku je utvrđeno da je Komisija u svemu pravilno postupila, te da je preporuka o izboru najpovoljnijeg ponuđača za nabavku usluge čišćenja i održavanja higijene u Detašmanu Travnik – LOT-3, data u skladu sa Zakonom o javnim nabavkama i tenderskom dokumentacijom.

Iz navedenih razloga, a primjenom člana 69. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo u roku od 5 (pet) dana od dana prijema ove Odluke.



Dostaviti:

- Sektor za mat. fin. poslove
- Ponuđačima
- U spis